

Crynodeb Gwirio Ansawdd  
Practis Deintyddol Church Street  
Dyddiad y gweithgarwch: 25 Ionawr  
2022

Dyddiad cyhoeddi: 1 Mawrth 2022



Gellir darparu'r cyhoeddiad hwn a gwybodaeth arall gan AGIC mewn fformatau neu ieithoedd eraill ar gais. Bydd oediad byr wrth i ieithoedd a fformatau eraill gael eu cynhyrchu pan ofynnir amdanynt i ddiwallu anghenion unigol. Cysylltwch â ni am gymorth.

Pan gânt eu cyhoeddi, bydd copïau o'r holl adroddiadau ar gael ar ein gwefan neu drwy gysylltu â ni:

Yn ysgrifenedig:

Rheolwr Cyfathrebu  
Arolygiaeth Gofal Iechyd Cymru  
Llywodraeth Cymru  
Parc Busnes Rhyd-y-car  
Merthyr Tudful  
CF48 1UZ

Neu drwy

Ffôn: 0300 062 8163  
E-bost: [agic@llyw.cymru](mailto:agic@llyw.cymru)  
Gwefan: [www.agic.org.uk](http://www.agic.org.uk)

# Crynodeb Gwirio Ansawdd

## Ein dull gweithredu

Ymgwymerodd Arolygiaeth Gofal Iechyd Cymru (AGIC) â gwiriad ansawdd o bell o Bractis Deintyddol Church Street fel rhan o'i rhaglen o waith sicrwydd. Mae Practis Deintyddol Church Street yn darparu gwasanaethau i gleifion yn ardal Merthyr Tudful. Mae'r practis hefyd yn ffurfio rhan o'r gwasanaethau deintyddol a ddarperir yn yr ardal wedi'i gwasanaethu gan Fwrdd Iechyd Prifysgol Cwm Taf Morgannwg. Mae'r practis yn darparu amrywiaeth o wasanaethau deintyddol cyffredinol preifat ac i'r GIG.

Mae gwiriadau ansawdd AGIC yn rhan o ddull newydd wedi'i deilwra ar gyfer gwaith sicrwydd ac maent yn un o nifer o ffyrdd y mae'n archwilio sut mae gwasanaethau gofal iechyd yn bodloni Safonau Iechyd a Gofal 2015 a Rheoliadau Deintyddiaeth Breifat (Cymru) 2017 (a rheoliadau perthnasol eraill). Rhoddir adborth i gynrychiolwyr y gwasanaeth ar ddiwedd y gwiriad ansawdd, mewn ffordd sy'n cynorthwyo dysgu, datblygu a gwelliant ar lefelau gweithredol a strategol.

Ciplun yw gwiriadau ansawdd o'r safonau gofal o fewn gwasanaethau gofal iechyd. Cânt eu cynnal oddi ar y safle'n gyfan gwbl ac maent yn canolbwyntio ar dri maes allweddol: atal a rheoli heintiau, llywodraethu (yn arbennig ynghylch staffio), a'r amgylchedd gofal. Mae'r gwaith yn archwilio trefniadau sydd ar waith i ddiogelu staff a chleifion rhag COVID-19, gan ein galluogi i ddarparu cyngor gwella cyflym a chefnogol ar weithrediad diogel gwasanaethau yn ystod y pandemig. Gellir dod o hyd i ragor o wybodaeth am ein trefniadau sicrwydd a'n dull arolygu [yma](#).

Gwnaethom siarad â'r rheolwr cofrestredig<sup>1</sup> a rheolwr y practis ar gyfer Practis Deintyddol Church Street ar 25 Ionawr 2022, a roddodd wybodaeth a thystiolaeth i ni am eu gwasanaeth. Gwnaethom ddefnyddio'r llwybrau ymholi allweddol canlynol:

- Pa newidiadau sydd wedi cael eu gweithredu yng ngoleuni COVID-19 i sicrhau bod safonau atal a rheoli heintiau yn cael eu cynnal?
- Sut mae'r practis yn sicrhau y gall yr holl gleifion (gan gynnwys grwpiau agored i niwed / mewn perygl) gael mynediad i wasanaethau'n briodol ac yn ddiogel?
- Sut mae'r practis yn diwallu anghenion cleifion sy'n siarad Cymraeg wrth gael mynediad i wasanaethau gofal iechyd drwy gyfrwng y Gymraeg?
- Sut mae'r practis a'r gwasanaethau y mae'n eu darparu wedi addasu yn ystod y pandemig COVID-19?
- Sut mae'r practis yn sicrhau bod cydraddoldeb a dull seiliedig ar hawliau yn cael eu hymgorffori ar draws y gwasanaeth?

---

<sup>1</sup> Ystyr "rheolwr cofrestredig" yw unigolyn sydd wedi'i gofrestru o dan Ran 2 Rheoliadau Deintyddiaeth Breifat (Cymru) 2017 fel rheolwr practis deintyddol preifat.

---

## Yr amgylchedd

Yn ystod y gwiriad ansawdd, gwnaethom ystyried sut mae'r gwasanaeth wedi ymateb i'r heriau a gyflwynwyd gan COVID-19 a sut mae'r gwasanaeth wedi dylunio a rheoli'r amgylchedd gofal i'w gadw mor ddiogel â phosib i gleifion, staff ac ymwelwyr.

Roedd y dogfennau allweddol a adolygwyd gennym yn cynnwys y canlynol:

- Yr asesiad risg amgylcheddol diweddaraf
- Rhestr wirio asesiad risg COVID-19

Gwnaethom hefyd holi cynrychiolwyr y gwasanaeth am y newidiadau y maent wedi'u gwneud i sicrhau bod cleifion yn parhau i dderbyn gofal a thriniaeth yn unol â'u hanghenion.

### **Cafwyd y dystiolaeth gadarnhaol ganlynol:**

Gwnaethom ganfod bod y gwasanaeth wedi cynnal asesiadau risg perthnasol ac wedi diweddarau polisiâu a gweithdrefnau perthnasol i fodloni'r gofynion ychwanegol o ganlyniad i'r pandemig COVID-19.

Gwelsom fod y practis wedi cynnal rhestr wirio asesiad risg COVID-19 a oedd yn cynnwys asesiadau o'r amgylchedd, taith y claf, ac iechyd, diogelwch a llesiant y staff a'r cleifion a oedd yn ymweld â'r practis.

Clywsom, ar ddechrau'r pandemig COVID-19, fod amgylchedd y practis wedi cael ei asesu i gynorthwyo â'r gwaith o reoli heintiau a'i wella. Dywedwyd wrthym fod y newidiadau canlynol wedi cael eu gwneud:

- Roedd gweithdrefnau desgiau clir ar waith gydag eitemau diangen yn cael eu symud o' ystafelloedd triniaeth, y dderbynfa a'r ardal aros
- Dwy ystafell driniaeth wedi'u hadnewyddu
- Ffaniau echdynnu wedi'u gosod ym mhob un o'r tair ystafell driniaeth
- Sgrin wydr amddiffynnol wedi'i gosod yn y dderbynfa
- Peiriannau hylif diheintio dwylo ar gael mewn lleoliadau amrywiol
- Nyrs gyfaill ddyddiol
- Mwy o amserlenni glanhau
- Gorchuddion bysellfwrdd

Er mwyn diogelu staff a chleifion yn y practis, dywedwyd wrthym fod y drws blaen ar glo ar bob adeg er mwyn atal aelodau'r cyhoedd rhag dod i'r adeilad heb oruchwyliaeth a heb

---

apwyntiad. Cawsom wybod bod hysbysiadau ac arwyddion priodol yn cael eu harddangos.

Mae unrhyw gleifion y mae angen iddynt weld y deintydd yn derbyn gwahoddiad i ddod i'r practis drwy apwyntiad a drefnwyd ymlaen llaw yn unig. Cawsom wybod bod staff sy'n gadael cleifion i mewn i'r adeilad yn gwisgo cyfarpar diogelu personol priodol, a bod yr holl gleifion sy'n gorfod derbyn triniaeth yn cael eu sgrinio am symptomau COVID-19.

Cadarnhawyd bod y cyffuriau a'r cyfarpar a ddefnyddir mewn achos brys yn cael eu storio'n ddiogel ac mewn lleoliad lle mae modd cael mynediad atynt ar unwaith mewn argyfwng meddygol (claf yn llewygu). Cadarnhaodd y rheolwr cofrestredig fod system ar waith i wirio'r cyfarpar a'r cyffuriau a ddefnyddir mewn achos brys yn wythnosol i sicrhau nad ydynt wedi dyddio a'u bod yn barod i'w defnyddio, yn unol â'r safonau a nodir gan y Cyngor Dadebru (DU).

Cawsom wybod bod taflenni ac arwyddion a arddangosir yn y practis yn ddwyieithog. Cawsom ein hysbysu hefyd fod gan y practis ddau aelod o staff sy'n siaradwyr Cymraeg, sy'n helpu i ddiwallu anghenion cleifion sy'n siarad Cymraeg sy'n dymuno cyfathrebu yn yr iaith o'u dewis. Fodd bynnag, dywedwyd wrthym nad yw'r gwasanaethau hyn yn cael eu hyrwyddo ar hyn o bryd. Cawsom ein hysbysu bod poster yn arfer cael ei arddangos ond cafodd ei dynnu pan wnaeth y practis dacluso'r dderbynfa a'r man aros ar ddechrau'r pandemig. Cadarnhaodd rheolwr y practis y bydd trefniadau'n cael eu gwneud i'r poster gael ei arddangos ger y dderbynfa. Cawsom wybod hefyd fod gan y practis fynediad at gyfleusterau cyfieithu ar y pryd.

### **Nodwyd y meysydd canlynol i'w gwella:**

Cawsom fanylion cofnodion hyfforddiant staff ac fe nodwyd fod angen i'r holl staff adnewyddu eu hyfforddiant diogelwch tân. Cadarnhaodd y rheolwr cofrestredig fod y staff wedi derbyn sesiwn loywi sylfaenol ar ddiogelwch tân ym mis Mehefin 2021.

Mae'n rhaid i'r rheolwr cofrestredig drefnu i'r holl staff yn y practis adnewyddu eu hyfforddiant diogelwch tân.

## **Atal a rheoli heintiau**

Yn ystod y gwiriad ansawdd, gwnaethom ystyried sut mae'r gwasanaeth wedi ymateb i'r heriau a gyflwynwyd gan COVID-19, a pha mor dda y mae'n rheoli'r risg o heintiau, er mwyn helpu i gadw cleifion, ymwelwyr a staff yn ddiogel. |

Roedd y dogfennau allweddol a adolygwyd gennym yn cynnwys y canlynol:

- Polisi glanhau
- Amserlenni glanhau'r ddeintyddfa

- 
- Archwiliad dihalogi diweddaraf Memorandwm Technegol Iechyd Cymru 01-05<sup>2</sup>
  - Cofnodion gwiriadau dyddiol o'r peiriannau awtoclaf
  - Cofnodion gwiriadau dyddiol o'r bath uwchsonig

### **Cafwyd y dystiolaeth gadarnhaol ganlynol:**

Cadarnhaodd y rheolwr cofrestredig fod gan yr holl staff ddealltwriaeth glir o'r canllawiau diweddaraf ar gyfer rheoli cleifion deintyddol yng Nghymru yn ystod y broses adfer ar ôl y pandemig COVID-19.<sup>3</sup> Bwriedir i'r canllawiau gael eu defnyddio gan yr holl leoliadau gofal deintyddol cyffredinol yng Nghymru.

Cadarnhawyd bod staff wedi derbyn diweddariadau COVID-19 rheolaidd trwy grŵp WhatsApp<sup>4</sup> pwrpasol, cyfarfodydd tîm trwy Zoom, wyneb yn wyneb (o bellter cymdeithasol) a thrwy e-bost. Trafodir unrhyw ganllawiau a gweithdrefnau newydd yn ystod cyfarfodydd ffurfiol y tîm, sy'n cael eu cofnodi. Mae cyfathrebu rheolaidd wedi sicrhau bod gan bawb gyngor ac arweiniad cyfredol ar COVID-19.

Dywedwyd wrthym hefyd fod yr holl staff sy'n gorfod defnyddio masgiau FFP3<sup>5</sup> wedi derbyn prawf gosod i sicrhau bod y masg yn ffitio'n gywir ac y bydd yn cynnig amddiffyniad digonol.

Cadarnhawyd bod pob aelod o staff wedi derbyn asesiad risg manwl COVID-19<sup>6</sup> er mwyn asesu'r risgiau personol o barhau i gyflawni eu rôl yn ystod y pandemig COVID-19. Dywedwyd wrthym fod y mwyafrif o staff yn y practis wedi'u brechu'n llawn ac wedi derbyn eu pigladau atgyfnerthu. Dywedwyd wrthym hefyd fod yr holl staff yn cynnal prawf llif unffordd<sup>7</sup> a bod cleifion hefyd yn cael eu hannog i gynnal prawf llif unffordd cyn mynychu'r practis.

Gwelsom dystiolaeth bod archwiliad rheoli heintiau wedi'i gwblhau gan ddefnyddio offerynnau archwilio cydnabyddedig, gan gynnwys offeryn archwilio Addysg a Gwella Iechyd Cymru,<sup>8</sup> sy'n cyd-fynd â chanllawiau Memorandwm Technegol Iechyd Cymru 01-05. Gwnaethom gydnabod hyn fel arfer da oherwydd cwrpas cynhwysfawr yr archwiliad.

Gwelsom dystiolaeth fod gan y practis raglen cynnal a chadw ddyddiol ar gyfer gwirio'r offer

---

<sup>2</sup> Mae Memorandwm Technegol Iechyd Cymru 01-05 yn cynnwys gwybodaeth am archwiliad o gydymffurfedd diheintio. Datblygwyd yr archwiliad gan ddeintyddion yng Nghymru a chaiff ei gefnogi gan yr Adran Ddeintyddol, Addysg a Gwella Iechyd Cymru (AaGIC).

<sup>3</sup> Rheoli cleifion deintyddol yn ystod y broses adfer ar ôl COVID-19 | LLYW.CYMRU.

<sup>4</sup> Cymhwysiad traws-blatfform anfon negeseuon ar unwaith yw WhatsApp Messenger sy'n galluogi defnyddwyr ffonau clyfar iPhone, BlackBerry, Android, Windows Phone a Nokia i gyfnewid negeseuon testun, delwedd, fideo a chlywedol am ddim. Yn ogystal â negeseuon sylfaenol, mae WhatsApp yn darparu opsiynau sgwrsio mewn grŵp a rhannu lleoliadau.

<sup>5</sup> Mae anadlyddion FFP3 wedi'u dylunio i amddiffyn y gwisgwr rhag anadlu gronynnau bach yn yr aer a allai gynnwys feirysau.

<sup>6</sup> Datblygwyd yr Offeryn Asesu Risg i helpu pobl sy'n gweithio yn y GIG a maes gofal cymdeithasol yng Nghymru i weld a ydynt mewn mwy o berygl o ddatblygu symptomau mwy difrifol os ydynt yn dod i gysylltiad â'r feirws COVID-19.

<sup>7</sup> Mae profi llif unffordd yn ffordd gyflym a syml o brofi pobl nad oes ganddynt symptomau COVID-19, ond a allai fod yn lledaenu'r feirws o hyd.

<sup>8</sup> Mae Addysg a Gwella Iechyd Cymru (AaGI) yn ymrwymedig i drawsnewid y gweithlu ar gyfer Cymru iachach. Awdurdod Iechyd Arbennig ydyw yn GIG Cymru ac mae'n cyd-fynd â byrddau ac ymddiriedolaethau iechyd.

---

sterileiddio. Roedd llyfr cofnodi ar waith ar gyfer yr awtoclaf<sup>9</sup> a'r bath uwchsonig<sup>10</sup> yn dangos bod gwiriadau diogelwch yn cael eu cynnal ar ddechrau a diwedd y dydd.

Dywedwyd wrthym fod y defnydd o gyfarpar diogelu personol wedi cael ei optimeiddio gyda digonedd o stoc yn cael ei chyrru a'i monitro'n wythnosol gan reolwr y practis.

Gwelsom dystiolaeth fod amserlenni glanhau ar gyfer yr ystafelloedd triniaeth ar waith a bod rhestrau gwirio dyddiol yn cael eu cynnal.

**Ni nodwyd unrhyw feysydd i'w gwella.**

## Llywodraethu / Staffio

Fel rhan o'r safon hon, gwnaeth AGIC holi cynrychiolwyr y gwasanaeth ynghylch sut, yng ngoleuni effaith COVID-19, maent wedi addasu eu gwasanaeth. Gwnaethom archwilio a yw trefniadau rheoli yn sicrhau bod staff yn addas yn eu rolau a'u bod wedi'u hyfforddi'n briodol er mwyn darparu gofal diogel ac effeithiol.

Roedd y dogfennau allweddol a adolygwyd gennym yn cynnwys y canlynol:

- Datganiad o ddiben
- Taflen wybodaeth i gleifion
- Archwiliad Rheoliadau Ymbelydredd Ïoneiddio (Cysylltiad Meddygol)
- Archwiliad cardiau cofnod
- Polisiâu/gweithdrefnau cydsyniad gwybodus
- Polisi COVID-19
- Cynllun parhad busnes
- Cofnodion hyfforddiant gorfodol staff

**Cafwyd y dystiolaeth gadarnhaol ganlynol:**

Rhoddyd tystiolaeth i ni a oedd yn cadarnhau bod yr holl staff clinigol wedi mynychu hyfforddiant ar amrywiaeth o bynciau a oedd yn berthnasol i'w rolau ac er mwyn bodloni gofynion datblygiad proffesiynol parhaus.

Cawsom sampl o bolisiâu a gweithdrefnau'r practis. Gwelsom fod y rhain wedi'u hadolygu yn ystod y flwyddyn a gwelsom hefyd eu bod yn cynnwys dyddiad adolygu.

Gwelsom fod gan y practis gynllun parhad busnes ar waith i sicrhau dilyniant darpariaeth y

---

<sup>9</sup> Math o offer yw awtoclafau a ddefnyddir mewn practisau deintyddol i sterileiddio'r holl offerynnau a'r holl ddeunyddiau a ddefnyddir mewn gweithdrefnau proffesiynol.

<sup>10</sup> Mae glanhäwr uwchsonig yn cael gwared ar fio-lwyth drwy ddefnyddio tonnau sain a gynhyrchir gan ynni trydanol. Wrth i'r tonnau sain symud trwy'r toddiant glanhau hylifol, maent yn achosi i filiynau o swigod bach ffurfio a byrstio.

---

gwasanaeth a gofal diogel i gleifion yn ystod y pandemig.

O'r dogfennau allweddol a adolygwyd gennym, roedd yn amlwg bod y practis yn ceisio gwella'r gwasanaeth a ddarperir i gleifion yn barhaus. Cawsom gopïau o archwiliadau perthnasol a oedd wedi'u cwblhau'n ddiweddar, megis croes-heintio, nodiadau clinigol a phelydrau-X. Roedd yr holl archwiliadau wedi'u cwblhau a, lle y bo angen, roedd cynllun gweithredu wedi'i ddatblygu a'i gynnal. Fodd bynnag, gwnaethom nodi y dylid casglu rhagor o wybodaeth wrth archwilio nodiadau clinigol. Nid oedd yr archwiliadau yn nodi cofnodion pwy oedd yn cael eu harchwilio ac nid oeddent ychwaith yn cynnwys unrhyw ddynodwr claf unigryw. Gwnaethom drafod yr archwiliad cardiau cofnod a chadarnhaodd y rheolwr cofrestredig y bydd mwy o fanylion yn cael eu nodi wrth gynnal archwiliadau i sicrhau bod trywydd archwilio llawn ar waith. Yn dilyn y galwad gwirio ansawdd, cyflwynodd y rheolwr cofrestredig archwiliad nodiadau clinigol pellach wedi'i gwblhau i AGIC a oedd yn cynnwys dynodwr claf unigryw a chofnodion pwy oedd yn cael eu harchwilio.

Cawsom gopi o'r datganiad o ddiben a'r daflen wybodaeth i gleifion, a oedd yn cynnwys gwybodaeth berthnasol am y gwasanaethau sy'n cael eu cynnig.

#### **Nodwyd y meysydd canlynol i'w gwella:**

Perchennog / prif ddeintydd Practis Deintyddol Church Street yw'r rheolwr cofrestredig a'r unigolyn cyfrifol enwebedig.<sup>11</sup> Fe'n hysbyswyd nad yw wedi asesu a monitro ansawdd y gwasanaeth a ddarperir yn ffurfiol fel sy'n ofynnol gan Rheoliadau Deintyddiaeth Breifat (Cymru) 2017 eto. Dylai'r unigolyn cyfrifol drefnu i asesu a monitro ansawdd y gwasanaeth yn y practis a darparu copi o'r adroddiad dilynol i AGIC.

---

<sup>11</sup> Ystyr "unigolyn cyfrifol" yw unigolyn sy'n gyfarwyddwr, rheolwr, ysgrifennydd neu'n swyddog arall yn y sefydliad ac sy'n gyfrifol am oruchwylio'r gwaith o reoli practis deintyddol preifat (Rheoliadau Deintyddiaeth Breifat 2017).



# Beth nesaf?

Lle rydym wedi nodi meysydd i'w gwella yn ystod ein gwiriad ansawdd a lle rydym yn gofyn i'r gwasanaeth ddweud wrthym am y camau a gymerwyd i fynd i'r afael â'r rhain, darperir cynllun gwella yn rhoi manylion ar ddiwedd y crynodeb gwirio ansawdd hwn.

Lle mae angen cynllun gwella, dylai wneud y canlynol:

- Sicrhau bod y camau a gymerir mewn ymateb i'r materion a nodwyd yn benodol, yn fesuradwy, yn gyflawnadwy, yn realistig ac wedi'u hamseru
- Cynnwys digon o fanylion er mwyn rhoi sicrwydd i AGIC a'r cyhoedd y bydd y meysydd i'w gwella a nodwyd yn cael sylw digonol
- Sicrhau bod tystiolaeth ofynnol yn erbyn camau a nodwyd yn cael ei rhoi i AGIC o fewn tri mis i'r gwiriad ansawdd

O ganlyniad i ganfyddiadau'r gwiriad ansawdd hwn, dylai'r gwasanaeth:

- Sicrhau nad yw'r meysydd i'w gwella yn systemig ar draws meysydd eraill yn y sefydliad ehangach
- Rhoi'r wybodaeth ddiweddaraf i AGIC pan fydd camau yn dal heb eu cymryd a/neu ar y gweill, i gadarnhau pan fydd y rhain wedi cael sylw

Pan gytunir ar y cynllun gwella, caiff ei gyhoeddi ar wefan AGIC.

Os na nodwyd unrhyw feysydd i'w gwella yn ystod y gwiriad ansawdd hwn, ni fydd angen cynllun gwella, a dim ond yr adroddiad cryno ar y gwiriad ansawdd fydd yn cael ei gyhoeddi ar wefan AGIC.

# Cynllun gwella

**Lleoliad: Practis Deintyddol Church Street**

**Dyddiad y gweithgarwch: 25 Ionawr 2022**

Mae'r tabl isod yn cynnwys gwelliannau a nodwyd yn ystod y gwiriad ansawdd y mae'n ofynnol i'r gwasanaeth gwblhau cynllun gwella yn eu cylch sy'n dweud wrthym am y camau y mae'n eu cymryd i fynd i'r afael â'r meysydd hyn.

Sylwer, disgwylir i'r holl gamau gweithredu gael eu cwblhau o fewn tri mis i'r gwiriad ansawdd a dylid cyflwyno fersiwn derfynol o'r cynllun gwella drwy Objective Connect ar ôl iddo gael ei gwblhau.

Cyfeirnod	Yr hyn y mae angen ei wella	Safon / Rheoliad	Camau gweithredu'r gwasanaeth	Swyddog cyfrifol	Amserlen
1	Mae'n rhaid i'r rheolwr cofrestredig drefnu i'r holl staff yn y practis adnewyddu eu hyfforddiant diogelwch tân.	Rheoliadau Deintyddiaeth Breifat (Cymru), Adran 22 (4) (c)	Mae cwrs wedi'i drefnu ym mis Ebrill 2022 er mwyn i'r holl staff gwblhau hyfforddiant diogelwch tân gyda chwmni 1 <sup>st</sup> Attendance LTD.	Neil Wilson	Deufis
2	Dylai'r unigolyn cyfrifol drefnu i asesu a monitro ansawdd y gwasanaeth yn y practis a darparu copi o'r adroddiad dilynol i AGIC.	Rheoliadau Deintyddiaeth Breifat (Cymru), Adran 16	Bydd asesiadau a gwaith monitro yn cael eu cynnal a bydd yr adroddiad yn cael ei gwblhau.	Neil Wilson	Tri mis

Rhaid i'r adran ganlynol gael ei chwblhau gan gynrychiolydd y gwasanaeth sydd â'r cyfrifoldeb ac atebolrwydd cyffredinol am sicrhau bod y cynllun gwella yn cael ei roi ar waith.

Enw: Neil Wilson

Dyddiad: 10/02/2022